

鄉鎮志專輯

中國地方志集成

鄉鎮志專輯 ⑦

責任編輯 卞惠興  
封面設計 范一辛

中國地方志集成

鄉鎮志專輯 ⑦

出版 江蘇古籍出版社

(南京中央路一六五號)


印刷 上海市印刷七廠

發行 新華書店

上海發行所

1992年8月第1版 1992年8月第1次印刷

ISBN 7-80519-386-X / K·211



序

光福之名始見於陸魯望送小雞山人序所謂出吳胥門背朝日行四十里得野步市曰光福是也義余嘗客吳中探梅過此愛其風土淳樸景物清幽如古桃源別有天地顧其間佳山水余既未及徧游偶爾游筇所涉昔賢遺蹟半就湮蕪訪諸樵牧徵信無人蔓草斜陽歎歎憑弔而已今徐君月坡寄示手輯是編不禁展卷喜曰可以當臥游焉志十二卷諸凡重巒複嶂曲港支流坳梁古刹珍果異卉第宅冢墓之遺農桑賦稅之饒人物藝文之美畢備此一隅耳而可紀載者已如此嗜其盛歎抑或馳驅中外所歷名勝如光福者豈少概見要之地以人傳非其人則非章有其人矣無後來者旁搜遠紹歷久猶易泯也卽以是編徵諸近代上沙却因徐侯齋而著香雪海以宋牧仲而名查山六浮閣竹垞爲記乃傳漁洋山王阮亭取以自號遂與嵩華爭高然二百年來流風餘韻亦復少衰月坡徵文考獻使人景仰遺蹟以與普賢感動奮發其用心良厚

光福志 卓序

於風教不無裨益雖謂光福名區得月坡而益彰也可唯是披君新著觸我舊游覺鄧尉梅花游湖月色斷煙續碧歷歷在目猶恨當日未得賢主人如君者爲導師盡覽林壑并資此書作勝具也爲識數語歸之

賜進士出身

誥授光祿大夫

經筵講官

體仁閣大學士管理兵部兼管順天府尹事務

玉牒館副總裁

紫禁城騎馬加十級卓乘恬撰并書

序

光福一山鎮耳然地居吳中山水最勝處爲千餘里來山靈之窟宅而紀載無專書坐使名蹟漸就湮沒間有一二散見昔賢篇帙者亦皆傳聞異詞徐君月坡世家是山撰拾舊聞成書十有二卷徵文考獻幾無遺憾迺自視欲然介家春水以書寄質於余且乞余一言余適有浙西之行遂臆展讀一過輒歎其援引賅洽雖述而不作其菁萃之功可謂勤矣春水又言徐君之父嘗有志於此略有就緒費志旋沒月坡仰承先志卒至於成不獨文獻有徵其繼志述事亦作稱己余家峰泖間距光福不二百里顧頻年宦游萬里陟屺巫閭度仙霞登日觀近復歷嵩少南謁衡嶽望九疑經桂林二十四巖洞而卒未獲探梅陟尉杰泉銅坑茲以奉諱旋里得觀是編既嘉月坡用心之專重以春水之屬乃不辭而爲之序蓋不啻登縹緲峰而陟香雪海也

光福志 張序

誥授通奉大夫前廣西等處承宣布政使司布政使隨帶加四級華亭張祥和撰

序

鄉鎮之有志非古也嘗考周之職方掌天下之圖而六鄉之官五百家有黨正則曰書其德行道藝百家有族師則曰書其孝悌睦婣有學者二十五家有閭胥則曰書其敬敏任卹者大抵山川則志之職方人物則志之黨正族師閭胥鄉之有志何必非古歟吳縣徐君月坡博雅士也以所輯光福志稿郵寄示余請爲之序按光福以山名寺以寺名鎮地濱太湖廣袤五十餘里山川之秀人物之盛甲於吳郡且非古之若閭若族若黨者比則其有志也固宜或曰光福一名鄧尉爲吳名山何不以鄧尉名志曰志山則專乎山以外靡得而記也爰嘗探梅其處愛其風景清曠山之陽則有郁泰元墓在焉遠眺穹窿西蹟諸峰若隱若見不識當年子房從赤松子遊遺蹟尙存否翁子讀書臺魯望采樵徑猶歷歷可辨否查山六浮閣因竹垞題詩得名漁洋則以阮亭尙書而著流風餘韻至今不落寔否深以不能徧歷爲憾今披是編迺一一彷彿遇之昔日

光福志 鄒序

沈周諸公專志鄧尉者皆不及以格於體例然也則志之名以光福也尤宜是志也徐君自謂承其先志閱三十年而後成者余於是歎吳之有光福歷有年所且天下名區如光福者不少非有如徐君搜羅之富用心之專則志莫能成矣而又幸志之既成山川人物歷歷可考爲有合乎職方所圖及六鄉紀載之遺意不得以鄉鎮之志非古而疑之也是爲序

道光二十六年歲次丙午小春望日

賜進士出身

誥授中憲大夫河南卽用道前開封府知府加三級錫山鄒鳴鶴撰

自序

光福鎮古之虎谿齋梁時建寺於此時未有鎮也迨聚落繁盛始以寺名名鎮考之國家自一統志而析爲省爲府爲州爲縣志皆司土者采輯由縣析而爲一鄉一鎮一山一水則人自得著故或備或缺也光福向無志文獻無徵先君子嘗有是志而未成書爲憾夫志者記也記其山川人物土產風俗也光福僻處郡西隸於吳治蕞爾一隅然湖山之秀物產之饒風俗之純樸人性之敦厚及乎琳宮佛剎池館亭榭冠絕吳中其山有穹窿西磧銅井鄧尉之挺秀其水有具區游湖東西崦之浩淼七寶法兩象泉之甘洌地則東南平夷宜蔬穀西南多山藝花木桑麻遍處播植漁罟樵斤終年不廢民廬櫛比倚山而居濱水而田樓者安於畝畝秀者澤以詩書至幅員之廣袤也五十餘里陂塘庵渠足資灌溉山村水市直盡太湖而物產之佳則稻有紅蓮藕有傷花盧橘楊梅菰蒲菱芡皆美於他產更有著名當世閱千載而獨擅者梅也故著於圖經散見

光福志 自序

於騷人墨客之篇詠可勝紀哉向自郡邑志之外雖震澤有編具區有志惟光福之文獻闕佚予心竊耿耿無如躑躅少文早歲又飢驅奔走有志未逮然自少壯以來凡見碑銘文集圖經志乘以及譜傳偶有及於光福者蒐羅節錄三十餘年稿凡數易甲辰冬夜篝燈發篋中裏集十二卷齋爲二十門名之曰光福志第余家貧素無藏書購假亦難多得惟就聞見所及者錄之以繼先君子未竟之志并爲好古賢哲之士作嚆矢之一助焉

里人徐 傳誠



咸豐庚申辛酉兩載避粵寇於鄧尉之真如塢獲交徐君調之出隕是編讀之知爲其先德月坡先生手輯雖非全璧而實名勝之區不可少之書時先君子養疴山中欣然握管命次第繕鈔將原稿歸趙承平後光緒初許退閑丈介紹潘中丞偉如借觀孰知久假不歸竊維是書鈔寫半出於先人之手不能保存之惡得無罪迨乙未歲申子仲葵得許氏鈔本丐予分鈔而同補沿革一門予欣然而樂助其半今茲長夏病體稍可向仲葵鈔本借來三月閱而繕成之於是遺墨雖無復存而有是書存於家是可稍蓋予之愆也回溯侍從時已三十餘年矣書此以志喜且以志感

光緒丁酉二十三年長至節鶴齋識於一枝巢



光福志 自序

光福志序

光福爲吳郡城西名勝之區山環水抱豈絕塵寰其西南諸峯林壑尤美古蹟最多身入其中如遊仙界自漢以來名公鉅卿高人逸士生於是潛蹤歿於是藏魄者不知凡幾况又有翠華臨幸之叢林宸翰品題之花木皆足以生湖山之色增人地之光登記載而爲章故者乎余少讀徐高士侯齋先生鄧尉十景記未嘗不心嚮往之悠然其意遠余屢入山中訪所謂十景者田夫野老類能言之然語焉不詳而兵燹之後書闕有間無徵不信又慨焉傷之今年春余偕汪孝廉鼎丞探梅鄧尉重游光福里中友人觴余二人於崦西崦之上席間出示徐月波先生光福志十二卷蓋此書原稿久秘未刊不知存否今從邑耆儒王先生心竹所假得副本錄存此册并倩張壬士明經校訂而續志之以成善本舊同學申君子珮及其同志諸君子議集資以梓行之書來督序竊思此雖一鄉之志而實郡西諸山之志也較之他志尤難探輯徐先生之著此書也不

光福志序

一

知費幾許精神幾許歲月而可聽其淹沒不傳乎余雖無暇卒讀此書而知此書之必可傳與諸君子之所以梓而傳此書者其意良善而其事亦可書也故樂得而序之

丙寅冬至日崑山王德森撰於吳門年七十有一

光福志目錄

- 凡例
- 卷首 天章
- 卷一 沿革 風俗 街市 橋梁 村巷
- 卷二 山
- 卷三 水 水利
- 卷四 田賦 土產
- 卷五 官署 第宅
- 卷六 人物 列女
- 卷七 著述 金石 冢墓
- 卷八 寺觀
- 卷九 藝文

光福志目錄

一

- 卷十 集詩
- 卷十一 集文
- 卷十二 雜記

凡例  
一光福爲

聖祖  
高宗

翠華頻幸

宸翰最富益增湖山之壯麗恭錄卷首

一光福鎮名不見於古籍考前代輿地志存於今者惟元和郡縣志爲最古其次則太平寰宇記載之元和時所志記載精詳摭拾繁富皆不列鄉鎮惟土產中楊梅出光福銅坑者爲第一元豐九域志始羅列鄉鎮又未及之追蒐古籍如漢袁康之越絕書惟列猶湖在鎮西北一他若張勃之吳錄陸廣微之吳地記各書記載本略故光福之名見於往籍者自唐甫里先生送小雞山人序始歷來志鄧尉者沈律斬學顏周永

光福志 凡例

年詳于山王煥如熊開元所志詳于寺而皆不及鎮予輯是書難免簿記之諛雜則庸猥不堪問世竊願一鄉之文獻使後來有所考據也  
一鄉鎮之有志自宋常榮澱水鎮始考之職方氏鎮居九服之一今凡縣之鄉邑棄落屹然稱雄者亦曰鎮取一方之名山大川足以鎮之云爾是鎮原郡縣分區體例當從郡縣志  
一戶口田賦爲志乘中所重故再貢載九州之產周官稽生齒之數況吳邑田賦仰給於光福者逾半是下里之供比於壯邑戶則棄于鎮者不下千計數  
一凡藝文之可附麗于各條者附麗之仿范氏吳郡志  
一所錄藝文紀載各書列採用書目於卷首使知事所從來或間有一二時事亦必有所依據所謂稽往籍者存法戒詳時事者觀風會也

引用書目

周易本義	宋 朱 熹	尙書正義	漢 孔安國
毛詩正義	漢 毛 亨	周禮注疏	鄭 玄
<small>春秋</small> 左傳正義	周 左邱明	五經異義	許 慎
史記	漢 司馬遷	漢書	漢 班 固
後漢書	宋 范 曄	晉書	唐 房 喬
梁書	唐 姚思廉	吳越春秋	漢 趙 煜
越絕書	漢 袁 康	寶字記	宋 樂 史
九域志	宋 王 存	明一統志	李 賢
<small>吳</small> 輿圖經續記	宋 朱 長文	吳地紀後集	失 名
江南通志	清 趙宏恩	吳郡志	宋 范成大
姑蘇志	明 王 鏊	蘇州府志	盧 熊

光福志 書目

康熙 <small>蘇州府</small> 志	石 韞 玉	乾隆 又	清 習 窩
道光 又	楊 繩 式	吳邑志	明 楊 循 吉
吳縣志		長洲縣新志	
崑山縣志		吳門補乘	錢 思 元
<small>吳</small> 聖恩寺志	熊 開 元	中吳紀聞	宋 龔 明 之
續吳錄	劉 鳳	水經注	魏 鄒 道 元
吳中水利書	宋 單 錡	三吳水利論	明 伍 餘 福
三吳水利錄	明 歸 有 光	名山勝記	
荆楚歲時記	宋 宗 懔	明太祖實錄	
大學衍義補	明 邱 濟	農政全書	徐 光 啓
鐵網珊瑚	宋 都 穆	范邨梅譜	宋 范 成 大
異苑	宋 劉 敞 叔	續齊諧記	吳 均



沈英記	任昉	西陽雜俎	唐段成式
雲林逸事	明葉盛	日知錄	清顧炎武
寄園寄所寄	趙吉士	柳南隨筆	
巢林筆談		白香山集	唐白居易
松陵集	皮日休	水東日記	明葉盛
等澤叢書	陸龜蒙	春卿遺稿	蔣棠
吳郡文萃	宋鄭虎臣	文正集	范仲淹
唯室集	陳長方	石湖詩集	范成大
道園遺稿	元虞集	僑吳集	鄭元佑
清園閣集	倪瓚	玉山璞齋	顧瑛
句曲外史集	張雨	丹霞集	明唐肅
青邱集	高啓	眉菴集	楊基

靜居集	張羽	北郭集	徐賁文幼
甘白先生集	張適	褚園集	王行
荆南倡和集	周砥	藍山集	藍仁
齋菴遺稿	高巽志	東原集	林瓊
歸川集	張洪	逃虛子集	姚廣孝
高文義集	高穀	武功集	徐有貞
襄毅詩文集	韓雍	古橫正堂集	李賢
澤東集	葉盛	瓊臺會稿	邱濬
思軒稿	王慎	雲山老嬾集	王越
括菴集	文洪	野航集	朱存理
匏菴家藏集	吳寬	震澤集	王登
松齋堂集	楊循吉	石田集	沈周

萃川集	陳霽	寒溪子集	方大古
南濠詩略	都穆	白川集	周用
末齋集	顧鼎臣	儼山集	陸深
古園集	盧雍	桃谷詩草	陸倕
張郎中集	張羽	甫田集	文徵明
五龍山人集	王同祖	林屋館集	蔡羽
小隱堂詩草	湯珍	雅宜集	王龍
五陽山房稿	盧襄	胥壑稿	袁表
賜閒堂集	申時行	郭鯤溟集	郭諫臣
震川先生集	歸有光	泌園集	董份
皇甫少元集	皇甫湜	司勳集	皇甫汸
雋泉集	卜大順	弇州四部齋	王世貞

真逸稿	俞元文	九嶺山人稿	顧聞
金昌集	王穉登	高素集	黃姬水
遠游稿	梁辰魚	海岱集	王逢年
高景逸集	高攀龍	袁中郎集	袁宏道
緱山集	王衡	檀園集	李流芳
公槐集	姚希孟	蔚庵逸紳	彭汝諧
三易齋集	唐時升	吳飲小舫	婁堅
雪滌齋集	方逢年	華山紀勝集	熊開元
洵美堂集	楊文驄	譚友夏集	譚元春
小碎集	魏冲	敬亭集	姜埰
質管集	姜垓	白燕菴詩集	單恂
確庵集	陳瑚	俟齋集	徐枋

光 福 志 書目

四

尺木齋集	葛一龍	蓮菴東歸集	徐時勉
陶菴詩集	黃淳耀	忠裕公集	陳子龍
蓮莊遺稿	袁徵	晦在先生集	朱茂暉
恒軒山游二集	歸莊	和雪堂集	趙瀚
雪鴻堂集	夏錫祚	肆閒堂集	奚澍
采山堂集	周質	屈翁山集	屈大均
雪灘釣叟集	顧有孝	全唐文	
全唐詩		宋詩選	
元詩選	顧嗣立	列朝詩選	
明詩綜	朱彝尊	紅三大家詩鈔	顧有孝
國朝詩別裁	沈德潛	湖海詩傳	王昶
牧齋集		梅邨集	吳偉業

光 福 志 書目

五

蓄齋集	黃中堅	瓠客草堂集	劉石齡
樂園集	吳翊	秀楚詩集	顧嗣立
授研齋集	宋章金	湖邨集	陸修
屠堂集	黃之鶴	南華山人詩艸	張鵬翀
米堆山人詩集	陸修	良齋詩集	王峻
敬亭詩集	沈起元	耕道堂集	沙維杓
野客齋詩集	毛曙	籀石齋詩集	錢載
滄洲詩集	陳鵬年	玉洲詩集	李重華
夢堂詩集	英廉	賜書堂集	翁照
據梧齋集	程穆衡	歸愚詩艸	沈德潛
鶴嶠詩艸	熊為霖	紀心齋集	紀復亨
耕養齋集	王鳴盛	樂圃詩艸	張玉穀

定山堂集	龔鼎孳	學餘堂集	施閏章
精華錄	王士禎	曝書亭集	朱彝尊
堯峰文鈔	汪琬	西堂集	尤侗
山薑詩選	田雯	慧業樓集	陸穆
西湖草廬藏稿	陸純脩	篁村詩集	張永銓
吳曜開存堂集		南州草堂集	徐軌
綿津山人集	宋 肇	芥門集	邵長衡
澄江集	陸大雲	黃葉邨詩集	吳之振
敬業堂集	查慎行	硯溪詩集	惠周揚
西齋集	吳 燾	匠門詩文集	張大受
陶云詩鈔	張大緒	緯繡草堂詩集	宋 至
義門集	何焯	鳳池園集	顧 沂

硯北小艸	許士表	臨臬詩艸	蔣紹白
古香齋集	吳泰來	宛委山房稿	曹仁虎
親園集	徐 堅	蕙村詩艸	阮學潛
華海堂集	張熙純	東岡詩艸	周永銓
歸求草堂集	嚴長明	松窗詩稿	嚴廷鈞
惜抱軒集	姚 鼐	藝園餘艸	范德基
娉雅堂集	趙文哲	蒲褐山房稿	王 昶
熙河草堂集	張 誠	三松堂集	潘弈雋
二娛小廬詩草	尤維熊	吳淞草堂集	王 昶
天真閣集	孫原湘	靈芬館集	郭 馨
小謨觴館集	彭兆孫	嘯雲山房集	正 盛
碧城仙館集	陳文述	查山探梅倡和詩	張士俊

蘇州圖經  
李宗愕  
兩般秋雨宮隨筆  
梁紹壬

楹聯續話

梁章鉅

光福志卷首

天章

康熙二十八年己巳春

聖駕二次南巡二月三日辛丑

駕臨蘇州越二日癸卯山木瀆鎮至鄧尉聖恩禪寺觀梅至吾家山夜宿四宜

堂先是

御舟至木瀆鎮舍舟登陸至聖恩禪寺僧濟石率衆僧迎接

上問老和尚年多少和尚對云八十四歲

上問那裏人對云浙江嘉興府人

上問臨濟宗麼對云是

聖顏溫霽命侍僧扶掖和尚

上緩轡而行過兩華橋釋騎至大殿率親王大臣備禮佛像至法堂登座衆

僧朝拜獻茶畢起登天開圖畫

上問首座你是甚麼人對云法名詠震是和尙法弟又

問知客你是甚麼人對云法名德和是和尙剃度弟子

上問梅花甚處好對云吾家山第一

上即命德和引

駕時夕陽在山花光掩映

上情歡甚至酉刻方回四宜堂陳設

御榻內侍進膳畢傳

諭取紙筆入內初六日卯刻和尚朝見而賜

御書松風水月四字帑金二百兩和尚同衆僧謝

恩進山志一部

上緡閱數葉命侍衛收貯和尚奏云今日風大



上曰不到洞庭去卽是日起

駕幸鄧尉山

御題一律

鄧尉知名久看梅及早春豈因耽勝賞本是重時巡野靄朝來散山容雨後新纔紛開萬樹相對憶佳辰

鄧尉小軒望太湖

小軒閒坐倚前楹萬頃澄湖夕照明夜久天心初月上笙簧謾奏松聲

鄧尉山聖恩寺扁額

松風水月

康熙三十八年己卯春

皇上三舉南巡之典奉

慈聖以行

光福志 卷一天章 二

上從武林回鄧尉聖恩寺僧濟志於尹山河界恭迎

御舟

上問是那裏和尚對云元墓山

上問是老和尚麼和尚進迎本

上招手云近前侍衛接呈

上覽畢遂問可是臨濟宗麼對云是

上問是那一派對云三峰

上問甚麼名字對云濟志

上云朕曾到過麼對云二十八年

皇上曾駐蹕寺中

上云可曾賜寺額麼對云曾蒙

皇上御賜松風水月四字

上欣然點首和尚奏云蘇松二郡臣民暨耆老等在山啓建萬壽道場臣僧恭

迎

聖駕

上云今日晚了老和尚先往蘇州去明日到織造那裏來次日到織造府請本

奏事大臣傳

旨云

萬歲有旨明日來

康熙四十四年三月十七日

聖駕幸蘇州

賜寄隴山扁

餐霞挹翠

康熙四十六年丁亥

光福志 卷一天章 三

聖駕南巡二月二十六日抵蘇

駐蹕虎邱行宮三十日鄧尉聖恩寺僧濟志恭迎

聖駕午後傳

旨宮門伺候

御賜人參二觔哈密貢瓜瓜盤瓜條松塔松子榛子蘋果瑪瑙葡萄公領孫索

索葡萄黑葡萄共十二盤云見老和尚年老賜參與嗅四月十五日武

林回

鑿濟志復於平望鎮迎

駕進早祝

聖謝

恩詩二册

上覽畢云詩很好傳命收著本山伺候因水淺未及

臨幸二十一日至射瀆送

駕

上諭和尙年老不必遠送謝

恩回山

乾隆十六年歲在辛未

高宗純皇帝始舉南巡之典恭逢

聖母皇太后慈輿

巡幸江浙省方觀民入疆考績二月二十一日抵蘇州兩江總督黃廷桂奏江

甯鎮江蘇州等處應行豫備官兵祇候

大閱惟蘇州撫標額兵僅止五百餘名不足備閱查鄧尉山下前傍太湖此地

水勢不深溜亦平恬帆檣易施合操水陣似覺便捷恭候

皇上駕臨鄧尉閱視十二月十三日奉

光 福 志 卷一天章 四

旨允行

游鄧尉山觀梅坐花下與至寫王冕筆意即題二絕句

香雪舊曾聞真逢意所欣南華篇第二小大漫區分

真者在目前肖貌轉難爲愛他姿特別記取會心枝

鄧尉香雪海歌并命沈德潛和韻

鄧尉之名久詔吾鄧尉之奇今見初一四天下總在海都梁嘯山夫豈謬

天風卉欵波濤泛春日淡冶漣漪舒目謀耳食已絕勝更惟鼻觀難爲模

傑池韶秀復藉匂泌讓案衍環縈紆坐令甲煎嫌艷膩遠慮慈嶺非坦途

山僧抱月眠初醒卻踉蹌道旁紛相趨爾所羨者我厭久我所慕者爾厭餘

乃知兩全信難得何妨一响供清娛北眺虎阜南太湖南船北馬用各殊

此間無可無不可滿坑滿谷酬所需林逋畢竟寒儉相但詠香暗及影疏

德潛黃山詫雲海咄咄香雪詎可孤東皇亦解助韻事春寒勒待今臨吳

疎海勒待今臨吳平山何有見金夫平山嶺商維梅而今歲春寒到時始綻數英今正值盛放之時故賦及之

鄧尉香雪題張宗蒼吳山十八景畫冊

幾點青螺雪海裏未逢此景爲虛擬梅花宜瘦亦宜肥今日於梅欸觀止

香氣濃濃香色融融吟香忘雪詞難爲工頃在寒山千尺雪謂香在梅色

在水其聲疑在虛無中乃今悟其言非是香色聲備天爲工老幹一枝臨

窗寫只空毫端乏爐冶鄧尉日即花下寫梅枝小幅并題兩絕句紀之

光福山橋

鄧尉光福相連延白銀界裏青峰攢虎山溪亦得名虎石橋彷彿三嘯傳

水光山色淡容與雲帆月舫常留連欲寄清吟逸興飛據高峰塔影邊

穹窿仙觀

陽山高低穹窿半拔地千仞參霄漢琳宮梵宇倚層椒時有金氣爲光幻云

光 福 志 卷一天章 五

昔赤松餐石脂絕粒昇仙侍香案我乃殷憂鄙屋茹檐民惟恐一夫向隅不得加餐飯

鄧尉山寺聯額

梵天香海

萬頃湖光分來功德水

千重花影勝入旃檀林

鄧尉山行宮聯額

衆香國裏

春入湖山韶且秀

雪凝樓觀淨無埃

千林煙月

乾隆二十二年丁丑再舉

南巡之典奉

皇太后鑾輿臨幸江浙二月抵蘇題

宮臨上真觀

穹窿惟帝宇巡狩值春朝虔謁雲霄上高居絳節朝雨暘時若明且揭於昭精室齋臺側憑欄縱目遙

拈花寺

暫乘紫機暇言訪青蓮宇穹窿真穹窿陽山俾爾許雲棧歷覺路山泉汲法雨春景青帝繪石脂赤松取遠造古道場信是出塵所太湖當我胸雲煙與吞吐如如者西竺皇皇者東魯此既未能遠彼又何曾補徘徊兩增慚把筆欲忘語買臣乃俗吏往事奚足舉

穹窿山望湖亭望湖

震澤天連水洞庭西復東雙眸望無盡諸慮對宜空三萬六千頃春風秋

光 編 志 卷一天章 六

月中五車稟精氣誰詔陸龜蒙

鄧尉山恭贈

皇祖題額松風水月四字各得八句以題為韻釋鄧尉者以梅而容藹不涉焉然言不涉而意已賅此所謂得梅之神韻者乎觸目會心攝詞衍義亦情之不能已也  
宿契權辭竹知音倏伴松友三見茲二並昔到斯重瀟影籠香淡冰心映翠澗問誰工品物大道在

堯胸

此海偏稱雪於春不礙風細傳香是玉輕統蒂猶紅搖曳韻初麗吹噴氣

正融設如擬舉冠光福即陸

廣平腸似鐵高密心如水彷彿見斯人何必稱仙子枝斜清淺上影弄漪

洞裏誰先獲吾心和靖曾言旨

此詩見於蘇州府志卷二初記惟本館曾二初記惟不悉此詩今則碑已無存謹附誌

依稀有三山瀟蕩方二月搖光人黃昏散靄飄清越淅淅映水心樓樓標玉骨靜對仰

當年餘芳猶未歇

鄧尉香雪海歌樂韻

鄧尉西北山名昔昔游未到茲到初奇峰怪石更幽遠蕭邱三字勸非誣虎山橋春水響波光福塔舍利光舒湖山表裏互映帶都供香雪為範模嶺名討實何不可無妨片刻鳴鑿紆萬峰小別化人寺至理綏問山村途名望 彌高互下真創見清芳冷韻非時趨襄陵漢漫亦奚必蔚雲激湍則有餘鮫人出珠珠不計海重遊路路多誤香雪非江亦非湖天高地下物散殊惟海為巨為委輪楊華繁采無復需笑我昔年略涉港歎觀止矣誠云疏由來於廓渺無際即今乃見三山孤與圖府志各執異衷慕光福實非吳盧拘枉辯費工夫

光 編 志 卷一天章 七

穹宇濟都

百尺簪丹梯懸羅最上

羣峰環紫蓋顯氣常清

乾隆二十七年壬午三舉

南巡之典奉

皇太后鑾輿巡省江浙二月二十七日抵蘇先是簡導統領勞三奏臣帶領蘇州知府李永書介玉濟由香雪海道到

皇上指示之雷音著得所循道路九里內走過香雪海五里從光福鎮可出

縣河邊行此處十八洞俱入縣河此十八洞現雖俱經辦步行橋座似

乎不及看得此河向靈巖山來甚直但有一橋略窄難容現今帶來二

十八槩之船據知府李永書聲稱撫臣陳宏謀豫備如意船可以行走等語因爲走縣河甚直臣將上船下船二處碼頭俱在圖錄上黏簽進呈或由旱路行走或由水路行走之處恭候

欽指敬謹豫備可也二十二日奉旨著在光福鎮雷音寺預備

穹窿山上真觀

見說古由鍾乘開陟碧峰上真嚴祀

帝四輔切祈農奚必逢茅固無勞學赤松具區眼底近可以暢心胸

拈花寺

紺宇祇園棲碧岫莊嚴相好坐金身滿庭白白紅紅者都是無端微笑人僧寺居然道觀鄰在山頂亦底須同異辨疎親名山纒景由來久惟愧何方隔此民

光福志 卷一天章 八

鄧尉香雪海歌再疊前韻

辛未香雪詩題吾山陽韶秀驚識初丁丑乃至山陽境翻覺前作鄙傳謔山來錦峰光福里諸岡連屬互卷舒罔經取此或失彼鮮率考實多依模滕六一岡窺玉屑豈以南北分縈紆三壺祇在巨瀛表相隔萬里非通途彼雪仍雪海仍海可以例此原同趨松風水月竭廣約行漏清暇還有餘辨疑求是則且止過嶺適可尋幽曠且喜此海非臨湖無形相益覺遺殊詎藉百川爲灌輸無爲利涉雲天需眼界真色色寂寂鼻觀淨芬芬疏疏大圓鏡中一合相前茅後勁兩不孤依韵記事聊得句或者破訛志正吳亦非更新志正吳昔人辭寡有以夫

鄧尉山恭詠

皇祖松風水月額疊舊韻

弄影水將月結朋竹與松

聖人契理獨春日和詩重老幹偏宜覆寒花不肯濃依依投氣味落落洗心胸

都借風吹落吹開亦藉風玉瀛解揚白銀燭慙遙紅活脫春林態菲微午日融乍如訪姑射漫擬獵嵯峒

鄧尉萬峰山太湖一片水相對有餘趨可曰無多子言影那相形因表亦知裏會心迥不凡

璇題揭妙旨水

何嘗宿此山浮動宜待月勞人言逸韵如秦視彼越想像入鏡姿自古離塵骨欲問圓鏡中花事幾與歌

鄧尉梅事未盛因而有會點筆成章

居然鄧尉看初梅今年春寒實異哉有色相輪無色好十分花纔兩分開端知爛漫無多趣適可優游得靜陪卻覺山靈如致語餘杭返棹試重來

光福志 卷一天章 九

香雪海聯

疎影橫斜水清淺

暗香浮動月黃昏

穹窿上真觀聯

太湖萬頃在襟袖

穹窿億丈凌星辰

乾隆三十年乙酉二月初七日四舉

南巡之典奉

皇太后鑾輿以行

穹窿上真觀

嶽嶽高居祀上真抒誠敏必以躬親太湖萬頃在襟袖穹窿億丈凌星辰不問長生崇羽士所希大有綏農民片刻成吟策返禱鄧尉香雪猶西鄰

拈花寺

上真小憩跋驄驂心識招提得而遠寄語山僧應正悟莫隨五字關

鄧尉林

鄧尉林前萬樹梅半猶含朶半嫺開問他底事不全放應為今朝待我來  
崑軸前句已見梅心憐鄧尉背人閑問誰王馬尋山處尚有香風撲而來

鄧尉山恭詠

皇祖松風水月額再疊前韻

徑入海為雪寺投寮是松蘇臺巡躡四鄧尉仰

題重心各水如淡影當春互濃於斯名獨讓曾不介乎胸松

既共翦濛氣何妨淡蕩風壁惟常是綠舒或瓣逢紅山谷雪猶滿僧房春

正融一聲清磬度雅思吟啞雀峒風

托根既於圓寫影那辭水是弄珠人品乃濯纓子慮逸格在橫斜幽香徹

光 福 志 卷一天章 十

表裏把擬問山僧可似曹溪旨水

浮動黃昏月不宿知宜月散彩方升沈凍香益飛越娟娟視神姿青背定

仙骨漱潤懷清芳度吟無厭歌月

鄧尉香雪海歌再疊前韻

吾家山信誰家吾與圖府志難考初安名立字各阿好咄哉史氏多傳誣

姑胥省方已三度春風又拂纓旗舒尋山問水乃餘事觀民設教有正模

雖然詎可負清暇鄧尉一帶旄騎紆訂訛甄異非重藉昔詩屢具茲遵途

化人寺亦仍小憩至理村旋去發前趨不舟而泛香雪海較之牙檣樂有

餘其色真色目止觀去其香真香鼻靜娛似置膝六於太湖配藜旁魄無

同殊筆規墨寫勢欲輪蘭薰檀蕙庸更需清淺水復黃昏月於何浮動致

影疏那更遠憶大庾大了知近勝孤山孤前三後三荷光福千秋萬歲蕩

勾吳千秋萬歲蕩勾吳笑我疊約無已夫

乾隆四十五年庚子五舉

南巡之典一切

恩旨如前

穹窿上真觀疊乙酉作韻

古道崇椒奉玉真蕭臺重仰鬱羅親求仙那問乘六氣祈歲惟殷撫五辰  
偶爾小游出塵地已教久候觀光民鳴鞭吟興知誰引鄧尉非遙即右鄰

過拈花寺不入寄題

上真邁運近拈花釋道源流差不差何必其間參到點不到即不出指月錄緣

游鄧尉日將斜

鄧尉山恭依

皇祖松風水月額三疊韻

再裏有三友稱兄定是松依然鄰弟季蕭若緬

光 福 志 卷一天章 十一

題重惟是含香淡不妨取蔭濃漫云別之久來往每於胸松

四字額垂古五言韻疊風仲春雪霏白初日海升紅習習悠揚遞恢恢境象

融即斯

標至道何必訪蛙峒風

青青鄧尉山白白太湖水山固如大庾水豈讓西子寫瀾瀾漪開弄影鏡

光裏

宸章不言梅括盡梅之旨水

問梅何所宜不水則於月浮動漫重儻孤高信超越印處玉是委照得水

為骨

奎畫朗千秋春芳亦無歌月

鄧尉香雪海歌四疊韻

閱十五載久別吾即今重游恍如初山陽山陰各執見圖經志乘多增誣



大地豈不在海中豈繫一邱一壑之卷舒辛未祇偶山陽到丁丑山陰如  
識模爭奇並秀都俱妙此後每並清蹕紆至理名村光福歷次第黃童白叟  
紛迎途觀光惟懼衆所顧麥田猶惜蹢躅越漠漠一片連南北分疏不可  
味之則有餘梅事實足稱觀止長歌四疊供清娛何來有稱遠太湖西蹟  
更開山溪殊且南去太湖不百步可以近供覽乃於其地復構數字然覺  
未免孤其誠意亦政事不取耳石泉梅陽精點景欲與鄧尉較勝輸雙  
目之賞何多需心知此舉誠爲疎擬遂回輿拚非到又憐作者誠意孤增  
華踵事可長此後言寧免云巡吳後言寧免云巡吳擴詞先用自訟夫

游西蹟程園紀事成詠

鄧尉復西去蓋行十餘里西蹟山在焉程氏園居被志云無多景潭西差  
勝耳統志一丈吏脩葺之供攬太湖水事成乃非說一涉聊爲此高下度小  
嶺溪邨凡經幾到亦未逾時坐亦未移巽巖離謝丹履石乃多砌壘其松

光 福 志 卷一 天章 十二

非古遺其梅或新徙獨是太湖近憑欄觀足底白浮及漫山餛飩如置几  
何殊靈巖山臨湖榭在靈巖山行宮內所觀輕輿遠言旋卯出時逾已昇者覺過勞  
彼亦人之子易馬按轡行七十猶能爾過午還靈巖政戒怠弛誠馳驛  
觀山靈巖山至西園八十餘里中途易馬還行前時已過午向尹繼壽以馳  
有所合倍由句弗止願謂大吏云可一再斯否園應還故主吾弗更去矣  
乾隆四十九年甲辰六舉

南巡之典一切

恩旨如前二月初四日抵蘇

穹窿上真觀再疊前韵

道書撰述真不真敬

天瞻拜宜躬親高居絳節吟昔日市社重到

玉璫獨此辰求福豈緣爲一己祈年祇以利萬民屢蹕大小隨疆吏思艱遂用

諸臣鄰

寄題拈花寺

三度拈花都未入乙酉庚子及今歲甲辰三過拈花寺皆以欲游鄧尉未嘗  
點之句所謂到即不點點寄題乘輦便相過於僧道豈上下手無住爲高  
可會麼

鄧尉山恭依

皇祖松風水月額四疊韵

四字貽

宸藻五言首詠松每教神會別那避句僅重友處香非遠映來翠更濃陶家樓

上者此景可存胸

李謬薄時態惟稱雲與風看吹香雪白似勝軟塵紅一併戶爲隔幾枝春  
自融錦囊未拈得空說繁嶸嶸李賀福公詩有今朝風

光 福 志 卷一 天章 十三

雲宜滌凜風影定橫斜水詩傳林氏仙賦薄曹家子品固超草木神自通  
表裏非言梅概梅敬識

愛梅旨水

青邱擬美人謂是特輕月靜對香水溪那管曾來越得句鄙玉肌引興惟  
水骨擲筆尋迴途此後吟應歌月

鄧尉香雪海歌五疊韵

婆娑游興不淺吾新歡未可忘其初庚子西蹟經綴景云鄰鄧尉言近誣  
是日往返九十里非輿而馬鞭袖舒翻嫌匆遽舍此去本曾細領香雪模  
明諭其園歸舊主一臨不再行鑿紆茲來乃得華勝榮得門而入原熟途  
化人寺裏轉相好減從底用七萃趨右側精舍甚幽絕適可片刻憩幾餘  
筆墨精良妙五合一伍恰在供吟娛遙看萬雪堆銀湖進領鼻觀參清殊  
若遠者近豈有別日色日香任彼輪昨爲文解雲上帶昨歲以上字作去聲